

## MINISTRY OF ROAD TRANSPORT AND HIGHWAYS

### NOTIFICATION

New Delhi, the 12<sup>th</sup> May, 2015

**No. 25035/101/2014-RS.** - Jeon, 2014 October jani 29 tariko Savelife Foundation and another V/s Union of India and another-ni mamlani Writ Petition (Civil) No. 235 of 2012-o, Hon'ble Supreme Court rai on-gimin gita, Union Legislature-ni chu-onga gita legislation-ko tarikujana kingking Good Samaritans-na chel-chakanirangko on-china gita Ma-mong Sorkarina ge-etaniko on-aha.

Aro jeon, Ma-mong Sorkari namgipa Samariararangko uamangni ramao a-sel ong-a man-gipa manderangko jokatanio neng-nikanirangko man-anio chel-chakaniko on-a nanggnirangko ra-chakaha aro indaken Ma-mong Sorkari hospitalrangna, pulisrangna aro gipin bilo gnannggiparangna, namgipa Samariararangna (Good Samaritans) chel-chakaniko on-china gita ka-mao ja-rikna nanggnirangko u-iataha:-

1. (1) A-sel ong-ao dakchakaniko on-gipa ba namgipa Samaria aro unbaksana ramao a-sel ong-ako niggipa mande, saknaa man-gimin mandeko sepangbatgipa hospitalona rimangon, aro ua dakchakgipa mandeko ba namgipa Samariako, a-sel ong-chakram biapko tale aganmanani ja-manode rang-sanan re-angpilna watna nanga aro mamung sing-anirangkoba uamango singdapna nangja.
- (2) Gipin manderangkoba a-sel ong-a man-gipa mandeko dakchakna ong-katchina gita A-dok Sorkarirangni nangnikani gita, bilo gnannggiparang dakchakgipa mandena ba namgipa Samariana uni nama kamna krae boksisko on-a nanga.
- (3) Dakchakgipa mande ba namgipa Samariako mamung dakeba dosi daka ine chanjawa.
- (4) Dakchakgipa mande ba namgipa Samaria, jean ramao a-sel ong-e saknae dongenggipa mandeni gimin pulis ba a-sel ong-gnio dakchakaniko on-giparangna (emergency services) u-iatachim, uamangko mamung dakeba, mikkangpara ba phone-ni gita uamangni bimung aro u-iana nanggnirangko parakchina drana nangja.
- (5) Namgipa Samariani bidingo u-ina nanggnirang jekai bimung aro phone nomborarangko unbaksana hospitalrangni on-gipa Medico Legal Case (MLC) Form-o parakani aro gapatani an-tangtangni sik-aniosa pangchakgen.
- (6) Sorkario kam ka-giparang jemangan dakchakgipa mande ba namgipa Samariako uni bimung aro uandakgipa u-ina nanggnirangko parakchina draachim, Sorkari uamangni kosako rak-a ja-ku de-aniko dakgen.
- (7) Jensalo, dakchakgipa mande ba namgipa Samaria an-tangan a-sel ong-ako niggipa ong-achim aro jekon pulis ba kachario mokordoma chalaianio porikka ba sing-sandina nangao ga-akachim,

indakgipa dakchakgipa mande ba namgipa Samariako chang-sasan porikka ra-na nanggen aro dakchakgipa mande ba namgipa Samariana neng-nikaniko man-jana gita A-dok Sorkari standard operating procedure-rangko tarina nanggen.

(8) Code of Criminal Procedure 1973-ni section 284-ni ninga-o commission gita ba janapgimin Code-ni section 296-o affidavit-o pangchakenba sing-sandianiko dakgen aro ia notification-ko on-ani sal kolatchini gisepon Standard Operating Procedure-rangko tarina nanggen.

(9) Dakchakgipa mande ba namgipa Samaria unbaksana manderang jemangkon kosako ja-rikna nanggni (1)-o janapachim, aro jemangan a-sel ong-ako nikachim, uamangna neng-nikanirangko man-aoni chel-chakaniko on-a gita sing-sangdimitingo ba porikka ra-mitingo video conferencing-ko jakkalna nanggen.

(10) Pt. Parmanand Katara vs Union of India & Ors [1989] 4 SCC 286-o Hon'ble Supreme Court-ni rai on-anio panchakenba Ministry of Health and Family Welfare pilak segatgimin public aro private hospitalrangna dakchakgipa mandeko ba namgipa Samariako, a-selo ga-ake saknaa man-gipa mande uni ma-drang mahari ong-jaskalde, saknaa man-gipako sana bananio koros nanganina ba rimnapanina tangka gamna nangako gamchina rimrikna nangja aro saknaa man-gipa mandeko rang-sanana sana nanggen ine jarikgnirangko u-iatna nanggen.

(11) Nangchongmotgipa somoirango jekai ramao a-sel ong-anirango jeon doctorni simsakani aro nirokaniko nangachim, unomiting doctor an-tangni dakna nanganioni chel-e dongode ba kam ka-jaode ua Indian Medical Council (Professional Conduct, Etiquette and Ethics) Regulation, 2002-o donggipa Chapter 7-ni gita "Professional Misconduct"-o ga-akegen aro ua doctorni kosako ia Regulations-o gnanggipa Chapter 8-ni gita nanga ja-ku de-aniko dakgen.

(12) Pilak hospitalrangan an-tangtangni napchapram biapo, dakchakgipa mande ba namgipa Samariako sing-sandina rakkirikjawa ba uamangko saknaa man-gipako sananio nanga korosna tangkako gamatjawa ba dabijawa ine ra-chakaniko Hindichi, Englishchi aroban A-dokni ba Union Territory-o jakkalgipa ku-sikchi chapa ka-e tape dona nanggen.

(13) Dakchakgipa mande ba namgipa Samaria nangnika ong-ode, hospital, ua namgipa Samariako saknaa man-gipa mandeko hospitalona ra-baani somoi aro biapko ong-a ine ra-chakan baksanaba ua ra-chakani aro mitelpilaniko A-dokni Sorkari standard format-o tarina nanggen aroban A-dokni pilak hospitalrangnan indake dakchake on-gipa ba Namgipa Samariana, A-dok Sorkarini ong-a ine nikanio, dakchakanina mitelpilaniko mesokna gita boksisko on-pilskana nanganiko u-iatna nanggen.

(14) Pilak public aro private hospitalrang ia ja-rikna aro dakna nanggnirangko rang-sanana chu-sokatna nanggen aro ia ge-etaniko ja-rikjagenchim ong-ode uamangni kosako bil on-gimin manderangchi nanga gita ja-ku de-aniko dakgen.

(15) Ia ja-rikna nanggirango chitti baksa ia notification-ni Gazette copy-ko on-chapenba Ma-mong Sorkari aro A-dokni Sorkari an-tangtangni bilni ning-ao donggipa pilak Hospital-rangna aro Institute-rangna on-a nanggen aro iarangko ong-a bewalo ja-rikanirangkoba nina nanggen aro Ministry of Health and Family Welfare aro Ministry of Road Transport and Highways a-songni aro a-dokni songbadrango unbaksanaba electronic media-o ia ja-rikna nanggirangni bidingo pilak manderangna u-iatna gita advertisement-rangko chapa ka-na nanggen.

2. Motor Vehicles Act, 1988 (59 of 1988)-ni section 134-ni ning-ao janapgimin gita dakchakgipa mande ba nanggipa Samariana chel-chakaniko on-anio pangchakgipa kosako janapgimin ja-rikna nanggirangara ramao a-sel ong-anio gari chalaigipani dakna nanggirango mamung dakeba nangeani dongjawa.